

# मारवाड़ी

भासा मे पढण अर लिखण  
री सबोऊ पेली किताब



मारवाड़ी भासा मे पढण अर लिखण री सबोऊ पेली किताब  
(Reading and Writing in Marwari: Pre-Primer)

छापणाळो बर: जून 2018  
छापी जकी किताबो री गिणती: 200

© निर्माण सोसायटी

त्यार करणाळा

गंगाराम, रमेश, राजेश चारण, मनोज कुमार अर हरि-किशन

मदत करणाळा

कमलेश रोलन, मुकेश कुमार योगी, शैला डिसौजा, फेबा जोस  
अर मारवाड़ी समुदाय

टाइपसेटिंग

रतन लाल योगी

प्रकाशन

निर्माण सोसायटी

तीसरी मंजिल, फ्लेट नं.3, गुलाब कॉम्प्लेक्स,  
तहसील रोड़, औसियाँ, जोधपुर, राजस्थान-342303

Email- rajasthanlanguages@nirmaan.org.in

Web- www.nirmaan.org.in

Ph.02922-274017

सब अधिकार सुरक्षित हैं

प्रकाशन की अग्रिम लिखित अनुमति के बिना, इस प्रकाशन का कोई भी भाग-आण्बिक, यांत्रिकी, रिकॉर्डिंग व अन्य किसी भी रूप में या अन्य माध्यम से पुनः उत्पादित नहीं किया जा सकता और न ही पुनःप्राप्ति पद्धति में इसका भंडारण किया जा सकता है, या प्रसारित किया जा सकता है।








## जोण-पेचाण










आ किताब मारवाड़ी भासा ने पढण री सबोऊ पेली किताब है। इण किताब में मिनका व लुगाइयो अर टाबरा ने पढण अर लिखण रे वास्ते त्यार करणा है। आ जरूरी कोनी है कि थाने इण किताब ने पढणो पड़ी है। इण किताब ने छापण रो मतळब सिर्फ इतो है के पढणाळो रे कोन, औख, दिमाक व हाथो ने पढण वास्ते त्यार करणो है। इण वास्ते इण किताब रे माई अपोरे मारवाड़ री संस्कृति अर रोजिना काम में आवणिया अर जिका अपो रोजिना देखो हो उण रा चितरो ने इण किताब में छापयोड़ा है। जिके ऊ थाने आ किताब पढण अर समझण में सोरी हुई है। अर थाने इण किताब में लिखणो जरूरी नी है थाने इण किताब में खाली सुणणो, समजणो व दियोड़ा चितरो ने पेचाणनो है। आ किताब पढणाळो रे वास्ते एक सिखण री कुंजी है।


जिका मिनक पढियोड़ा है। उओरे वास्ते आपरी मायड़ भासा ने जोणनो एक तरिको है। इण किताब रो सबोऊ मोटो मतळब है के जका मिनक कदेई कलम नी पकड़ी अर कदेई पढिया कोनी उओने चितरो ऊ समजावणो है अर उओने पढण वास्ते अर लिखण रे वास्ते त्यार करणो है। बे इण चितरो ने देख अन पढणो लिखणो बड़ी आसानी ऊ सीख सके है।




इण फोटुओं में काँई फरक है









# इण डब्बा ऊं फोटूवा ने पेचाणो











# करम नी मिटे




एक बार एक भील भीलणी हाँ। जको ने पेरण ने गाबा खावण ने सकरी रोटी रेवण रे वास्ते घर तक नी हो। बे पुराई जंगळ रे माई दरखतो रा पता बोंधता जंगळ में फळ फुल खा अन दरखतो माथै रेवता हाँ। एक दिन नारद मुन्नी धरती माथै आया। बे उण भील रे परिवार ऐड़ी दसा देख अन नारद जी अचम्बो होयो के इण दुनिया में सैग राजी खुसी ऊ रेवे है अन ओ इतो दुखी परिवार इयो करन नारद जी ने दया आयगी। नारद जी भीलणी रे खन्ने गया जा'न भीलणी ने पुछियो के थे सगळा ई खप्पो घणेई हो कोम-काज घणेई करो हो तोई थारी एड़ी दसा किकर है। भीलणी आ बात तो बताई कोनी अन नारद माथै रियो बळी के पुछण आळो थू कुण है।


नारद जी आपरो नोम पतो बतायो। भीलणी नारद जी रे पगे पड़ी। अन नारद जी ने केयो के बाबजी की म्होरो री दुखड़ो कम करो। पेरण वास्ते मोने तो कपड़ो नी मिळे खावण ने सकरी रोटी नी मिळे। बाबजी म्होरे एड़ो कोई पाप करियोड़ो है जको म्होरे माई इतो दुख पड़ियो। नारद जी केयो के थारी इण बात रो जबाब काले देऊ हूँ। नारद जी आ बात भगौन ने पुछी। भगौन केयो के भाई इयो रे लारले जलम रे माई इयोरे चोरियो अन् पाप घणा करियोड़ा है ए जीव जन्तुओ ने घणो दुख दियो घणा मिनको ने तंग करिया है। इण् वासते इयो रे माई इतो दुख पड़े है अर भगौन केयो के करियोड़ा करम कदेई नी मिटे है।


इण मांडणा में काँई फरक है



इण डब्बा ऊं मांडणा ने पेचाणो











# कुकड़ो अन पाडो




एकर एक कुकड़ो अन पाडो दोई धर्मभाई हाँ। रस्ते रस्ते जावता जणो कुकड़े ने पाडो रोजिना हिंडा खाड़तो हो। एक दिन पाडे केयो के में रोजिना थने हिंडा खाड़ू, आज थू मने हिंडा खाड़। जणो कुकड़े केयो के में तो भाई छोटो हू। थु म्हारे माथे किकर हिंडा खाई। जणो पछे पाडे केयो, के थु म्हारे नीचे-नीचे बै बोकर, में मोन लेऊ के में थारे माथे इज हिंडा खाऊ हूँ। जणो बेवता बेवता चाढ आई, अन के कुकड़ो लारे रेगियो, के पाडो पोटे करियो के कुकड़ो पोटे रे हेटे दब गियो। जितेक ने गोव रा दो मिनख रस्ते-रस्ते जावता हाँ। के कुकड़े केयो, “आगा आगा घणा जाओ कुकड़लो को भावे नी” के बै मिनख कुकड़े ने पोटे मू काड अन आपरे घरे ले गिया। जद कुकड़ो बोलियो के, थोने लुळयोड़ो भावे है धोयोड़ो को भावे है नी काई। जणो बे कुकड़े ने धो अन आच्छो करियो। जेडे के कुकड़ो भळे बोलियो के थोने लीलो लीलो भावे सूकोड़ो को भावे नी। जणो बे कुकड़े ने सूकोयो। के कुकड़ो ऊड गियो। उडतो कुकड़ो बोलियो के हमे खारा खारा जोवो पैला दिवती कोनी।


# मोंण्डो



# मोंण्डो



## दो भाई



एकर एक गाँव रे माई दो भाई रेवता हाँ। गाँव रे माई एकर काळ पड़ियो जणे छोटकियो भाई देसावर कमावने वासते जावतो हो। छोटकिये रे खने जावण वास्ते भाड़ो नी हो अन घर में खावण वास्ते ई की नी हो। जणे बो मोटोड़े भाई खन्ने गियो। उण टेम मोटोड़ो भाई बारे गियोड़ो हो। भुजाई घर में ही अन बा केयो के थे देसावर जाओ हो में थोने किरायो भाड़ो देती कलेवो दुजो ई करावती ही पण पेटी री कुची तो थोरा भाई ले गिया अन रातरा मिन्ना लड़िया जको चुल्हो भोग दियो जको में तो की बणायो ई कोनी हुँ। छोटकियो भाई इतो सुण अन पाछो आ गियो। जेड़े मोटोड़ो भाई आ गियो। उन्ने आ बात ठा पड़ी। जणे बो आपरे घरे गियो। जान लुगाई ने केयो के काले थारे पीर में ब्राढ आई जको घर रो पुरो सम्मोन पोणी साथे ब्रे गियो। जको थु हमे घर में रुपिया टका है जका दे अन रोटी दुजी बणा अन घाल जको में जान पुगान आऊ। लुगाई सटकेक रोटी दुजी बणा अन घाल दी। मोटोड़ो भाई बो सब सम्मोन ले जान छोटकिये भाई ने दियो अन उन्ने देसावर ब्रैर करियो।

एक जेड़ा आखरो ने एक लेण में पेचाणो

क	छ	क	द
च	च	उ	ड
ट	थ	न	ट
त	त	ठ	ल
प	अ	प	ब
ज	न	य	ज

पूरी चोकड़ियो मूं एक जेड़ा आखरो ने पेचाणो

य	ड	ळ	य
ल	ध	फ	ड
ड	अ	य	ल
ध	फ	ड	ध
अ	य	अ	फ
फ	ध	ल	अ

मोंण्डो

क

d

d

च

p

p

ज

t

t

ट

v

v

त

r

r

मोंण्डो

प

i

i

य

y

y

ल

l

l

फ

f

f

स

s


s



पूरी चोकड़ियो मूं एक जेड़ा आखरो ने पेचाणो

क	क	ट	प
अ	ट	च	ज
ट	ज	क	अ
च	अ	ट	च
प	प	अ	क
ज	अ	ट	ज

# झूठ



एकर एक छोरो हो। जको गाँव रे बारले पाये आपरो ऐवड़ चरावतो हो। बो छोरो एक दिन सोचियो के आज गाँव आळो रे साथे मजाक करो। इण वास्ते बो जोरू जोरू हाँका करिया अन डाडीयो के नार आग्यो नार आग्यो अन मारा लड़ो ने खावे है। छोरे री अवाज सुण अन गाँव आळा ना'न आया अन धके देखे तो की कोनी हो। अन बो छोरो मिनको ने देखे अन जोरू जोरू हस अन लागगो। मिनक पाछा गया परा। इयो बो छोरो दो तीन बार करी ही। अन के एक दिन साचेली में नार आ गियो अन उन्ने लड़ो ने खावण लागो अन बो रोयो अन हाँका करिया पण एक ई मिनक उन्ने ऐवड़ ने बचावण ने नी आया। मिनक सोचियो के बो ई करे है। अन नार ऊण छोरे रा सैंग ऐवड़ ने खा गियो।

एक जेड़ा सबदो ने एक लेण में पेचाणो

बण बण मण टण

नळ जस हळ नळ

घर रट घर दर

फळ फळ मन जद

सट घण सट पण

रग मन थण रग

एक जेड़ा सबदो ने एक लेण में पेचाणो

जर कळ जर जद्

कट छत बट कट

पग पग रट नट

नळ टळ नळ जळ

जग हर जग फर

कद् दर पट कद्

एक जेड़ा सबदो ने एक लेण में पेचाणो

बरफ	अरत	बतक	बरफ
लसण	टकर	लसण	भणक
बळण	बळण	रसम	रबक
सरग	बरस	नरम	सरग
कळस	कदर	कळस	इतर
चड़स	लखण	कणक	चड़स
कवल	कवल	टकर	नरग

एक जेड़ा सबदो ने एक लेण में पेचाणो

अमल	जरक	अमल	मरद
भणक	भणक	बरस	गरब
बळद	उछळ	बळद	रबक
जळन	लखण	सरम	जळन
सड़क	सड़क	करम	सकर
लपड़	अणक	नणद	लपड़
ठबक	ठमक	ठबक	बरस


# इयो फोटुवो ने कहाणी आळे दई जमाओ

## एकता री ताकत



# इयो फोटुवो ने कहाणी आळे दई जमाओ


## लड़ाई मे तीजो फायदो उठातो





# इयो फोटुवो ने कहाणी आळे दई जमाओ

## हंस अर काछबे रो परेम



# इयो फोटुवो ने कहाणी आळे दई जमाओ

## तिरो कागलो

